



Pou Piblikasyon Imedya: 22/06/2023

GOUVÈNÈ KATHY HOCHUL

**GOUVÈNÈ HOCHUL ANONSE LANSE NOUVO PWOGGRAM BOUS DETID KI KOUTE
PRÈSKE 3 MILYON DOLA POU SIPÒTE MOUN K AP CHÈCHE ANTRE OSWA
AVANSE NAN MENDÈV SÈVIS KONT ADIKSYON AN**

***Patenarya ant OASAS ak Lekòl SUNY yo pral sipòte plis pase 300 moun k ap
chèche sètifikasyon ak diplòm pou travay nan domèn adiksyon***

Gouvènè Kathy Hochul te anonse jodi a lansman yon novo pwogram bousdetid, ki mete prèske 3 milyon dola disponib pou moun k ap pouswiv yon diplòm lisans nan Etid kont Adiksyon oswa egzijans dikasyon pou yon diplòm Biwo Sèvis ak Sipò pou Adiksyon (Office of Addiction Services and Supports, OASS) Eta New York nan Alfred State College, Stony Brook University, ak Empire State University. Patenarya sa a, ki dirije pa OASAS, fèt pou ede moun k ap travay nan pwogram Sètifye OASAS LA, Biwo Sante Mantal (Office of Mental Health, OMH), oswa Depatman Sante (Department of Health, DOH) pou yo jwenn swa yon Konseye an Alkolis ak Abi Sibstans ki Akredite (Credentialled Alcoholism and Substance Abuse Counselor, CASAC), diplòm Pwofesyonèl Prevansyon ki Akredite (Credentialled Prevention Professional, CPP), oswa yon diplòm lisans nan etid adiksyon pou antre oswa avanse karyè yo nan domèn sèvis kont adiksyon an.

"Eta New York kontinye travay pou elaji ak amelyore sèvis nou yo pou ede moun, fanmi, ak kominote yo ki afekte pa adiksyon", **Gouvènè Hochul te deklare**. "Dènye seri finansman règleman sa a pral ranfòse mendèv adiksyon an, epi sipòte moun ki kontinye ap afekte pa epidemi opyoyid ak dòz eksesfi la."

Komisè Biwo Sèvis ak Sipò pou Depandans (Office of Addiction Services and Supports, OASAS) Eta New York la, Chinazo Cunningham, te deklare, "Mendèv nou an se yon pati enpòtan nan sistèm sèvis OASAS la. Pwofesyonèl devwe sa yo fè yon travay enpòtan lè yo bay sipò vital bay plizyè milye Nouyòkè ki te afekte pa adiksyon. Nou kontan anpil pou nouvo patenarya sa a, ki pral pèmèt plis moun antre nan karyè rekonpans sa a, epi ede Nouyòkè parèy yo viv yon vi ki pi an sante."

Doktè Ann Sullivan, ki se Komisè Biwo Sante Mantal nan Eta New York, te deklare, "Pwogram bous detid sa a pral ede nou ranfòse mendèv sante konpòtmantal nou an epi amelyore sèvis ak sipò yo bay yo Sa se yon lòt etap enpòtan nan efò nou pou ede Nouyòkè sa yo k ap lite ak abi dwòg ak adiksyon."

Komisè Sante Eta New York la, Doktè James McDonald, te deklare, "Pandan n ap kontinye wè doulè ak soufrans divès fòm adiksyon, gen yon bezwen pou moun ki gen konpasyon pou ede Nouyòkè parèy nou yo k ap lite ak maladi difisil sa a. Lè nou ranfòse mendèv sa a, nou ka anpeche trajedi, sove lavi ak retabli anpil fanmi. Nou remèsyé Gouvènè Hochul pou angajman li pou konbat adiksyon ak pou sante ak byennèt tout Nouyòkè yo."

Yo bay finansman pou pwogram sa a atravè Fon Règleman Opyoyid Eta New York la. Men kantite prim ak detay pwogram yo.

Alfred State College

492,500 dola pral sipòte jiska 125 moun k ap chèche resevwa sètifikasyon CPP oswa CASAC pa yo. Kounye a OASAS bay Alfred State finansman pou sipòte 45 bous detid ki menm jan.

Stony Brook University

Stony Brook University pral resevwa jiska 1.4 milyon dola pou sipòte bous detid pou 200 moun k ap travay pou jwenn yon sètifikasi CASAC.

Empire State University

1 milyon dola pral sipòte bous detid pou moun ki gen kounye a yon diplòm CASAC oswa Espesyalis Prevansyon Sètifye (Certified Prevention Specialist, CPS) pou pouswiv yon Lisans nan Syans nan Etid Adiksyon. Yon diplòm lisans pèmèt travayè CASAC ak CPS yo avanse nan karyè yo, tankou vin sipèvizè nan pwogram sèvis adiksyon ke OASAS sètifye.

Moun k ap travay kounye a nan yon pwogram OASAS, OMH, oswa DOH pral gen aksè priyore ak bous detid yo, epi chak ajans pral voye enstriksyon aplikasyon yo lè yo disponib. Plis enfòmasyon sou diferan kalite kalifikasyon pou adiksyon nan Eta New York, ak pwosesis pou resevwa yon kalifikasyon epi rejwenn mendèv adiksyon an, disponib nan [paj kalifikasyon](#) an sou sitwèb OASAS la.

Doktè Craig Clark, Vis Prezidan Pwovizwa Alfred State pou Afè Akademik, te deklare, "Si bon pou nou patenarya ankò ak Biwo Sèvis ak Sipò kont Adiksyon an. Bous detid sa yo pral bay elèv yo opòtinite pou yo jwenn kalifikasyon ki nesesè nan domèn enpòtan sa a. Nou espere sipòte moun k ap antre nan domèn adiksyon an."

Shari Miller, Dwayen Lekòl Byennèt Sosyal nan Stony Brook University, te deklare, "Bezwen pou fòme ak devlope yon mendèv kalife pou adrese dominans k ap grandi epi ki ijan nan itilizasyon sibstans ak adiksyon nan nivo lokal, eta ak nasyonal pa ta ka plis enpòtan. Lekòl Byennèt Sosyal nan Stony Brook University, youn nan enstitisyon prensipal Eta New York, pran angajman pou katalize ekspètiz edikasyon ak rechèch nou an pou abòde adiksyon ak epidemi dòz eksesis la. Nou apresye anpil kolaborasyon nou ak Biwo Sèvis ak Sipò kont Adiksyon (OASAS) Eta New York la, ki pral pèmèt Lekòl Byennèt Sosyal (School of Social Welfare) bay fòmasyon CASAC

modèn pou jiska 200 moun nan tout eta a nan de ane k ap vini yo. Nou sèten kolaborasyon sa a pral bay yon mendèv ki byen prepare, konpetan epi ki reponn pou chanje lavi pandan y ap goumen ak kriz sante piblik sa a."

Prezidan Empire State University, Doktè Lisa Vollendorf, te deklare, "Empire State University kontan pou I kapab travay an patenarya ak Eta New York pou ede adrese bezwen mendèv nan domèn adiksyon yo. Misyon Empire State University anrasinen nan bay aksè edikatif ak nan ranfòse kominate yo atravè eta a. Pwogram bous sa a pral ede nou fè sa nan yon domèn ki enpòtan anpil pou Nouyòkè yo."

Eta New York ap resevwa plis pase 2 milya dola atravè divès kalite akò règleman avèk fabrikan opyoyid yo ak konpayi famasetik yo ke Pwokirè Jeneral Letitia James te garanti. Yon pati finansman ki soti nan règleman sa yo prale dirèkteman nan minisipalite yo, epi y ap depoze rès la nan yon fon ki dedye pou sipòte prevansyon, tretman, rediksyon domaj, ak efò rekiperasyon pou adrese epidemi opyoyid aktyèl la.

Menm lejislasyon an ki te etabli fon dedye a te kreye tou Komite Konsilitatif Fon Règleman Opyoyid la, ki gen responsabilite pou I fè rekòmandasyon sou fason yo ta dwe asiyen lajan règleman an pou pi byen sèvi moun ki nan bezwen yo. Manm konsèy yo te bay premye rekòmandasyon yo nan 1 novanm 2022, yo te idantifye ekspansyon sèvis rediksyon ak tretman domaj kòm pi gwo priyrite yo.

Eta New York te mete sou pye yon apwòch agresif, ki gen plizyè branch pou rezoud epidemi dòz eksesif la, epi li te kreye yon seri swen nasyonal pou adiksyon ak sèvis konplè prevansyon, tretman, retablisman ak rediksyon domaj. Eta a te travay pou agrandi aksè nan sèvis tradisyonèl yo, ki genyen ladan yo pwogram sèvis kriz, pasyan ki entène, pasyan ekstèn, ak pwogram tretman rezidansyèl, ansanm ak medikaman pou tretman adiksyon, epi tretman mobil ak sèvis transpò.

Gouvènè Hochul te yon manm Gwoup Travay sou Ewoyin ak Opyoyid nan Eta New York (NYS Heroin and Opioid Task Force) la ki, an 2016, te rekòmande nouvo sèvis ki pa tradisyonèl, ki genyen ladan yo sant retablisman yo, klèb lojman pou jèn yo, agrandi sèvis konpayon yo, ak sant aksè lib yo, k ap bay evalyasyon ak referans pou swen imedya. Depi lè sa, yo te etabli sèvis sa yo nan divès kominate ozalantou Eta a, epi yo te ede moun ki nan bezwen yo jwenn aksè nan swen ki pi pre kote y ap viv la.

Biwo Sèvis ak Sipò kont Adiksyon Eta New York la sipèvize youn nan pi gwo sistèm swen pou twoub itilizasyon sibstans nan peyi a avèk anviwon 1,700 pwogram prevansyon, tretman, ak rekiperasyon k ap sèvi plis pase 731,000 moun chak ane. Sa gen ladan I operasyon dirèk 12 Sant Tretman kont Adiksyon kote doktè, enfimyè ak anplwaye klinik nou yo bay anviwon 8,000 moun pa ane sèvis pou pasyan ki entène ak sèvis rezidansyèl.

Nouyòkè yo ki gen difikilte avèk yon adiksyon, oswa yon pwòch ki gen difikilte, ka jwenn èd ak lespla lè yo rele liy telefòn gratis Eta a, HOPEline 24 èdtan, 7 jou pa semèn nan 1-877-8-HOPENY (1-877-846-7369) oswa lè ou voye tèks HOPENY (Kòd Kout

467369).

Tretman pou adiksyon ki disponib yo gen ladan swen pou kriz/dezentoksikasyon, swen malad ki entène yo, swen rezidansyèl, oswa swen pou pasyan ekstèn, lè ou itilize Tablodbò Disponibilite Tretman OASAS NYS la nan FindAddictionTreatment.ny.gov oswa atravè [sitwèb OASAS NYS la.](#)

Si oumenm, oswa yon pwòch ou, te eksperimente obstak nan asirans ki gen rapò ak tretman oswa bezwen pou ede depoze yon apèl pou yon reklamasyon yo te refize, kontakte liy èd CHAMP an pa telefòn nan 888-614-5400 oswa pa imèl nan ombuds@oasas.ny.gov.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)